

**Eqikkaaneq****Aningaasalersuineramik ingerlataqarneq pillugu inatsimmi § 304 a-p atuutilernissaanut peqqussutissatut missingiut**

## 1. Inatsit atuuttoq

Inatsisartut Inatsisaat nr. 21, 28. november 2016-meersoq aqqutigalugu Kalaallit Nunaanni soraarnerussutisiaqarnissamut aqqissuussinermut pinngitsoorani ilaanissaq atuuppoq. Inatsisartut Inatsisaat nr. 21, 28. november 2016-meersumi § 1-p malitsigivaa, inuit 18-ileereersimasut Kalaallillu Nunaanut tamakkiisumik akileraartussaataitaasut utoqqalinersiaqarneq pillugu Inatsisartut inatsisaanni § 1 naapertorlugu soraarnerussutisiaqarnissamut aqqissuussinermut akiliisas-sasut.

Soraarnerussutisiaqarnissamut aqqissuussinermut pinngitsoorani ilaanissaq pillugu Inatsisartut Inatsisaat nr. 21, 28. november 2016-meersumi § 7-imi imm. 5-ip malitsigivaa, inuup soraarnerussutisiaqarnissamut aqqis-suussinermik atuuttumik peqarnera akileraaruseriffimmit ilisimaneqanngippat, akileraaruseriffiup pineqartoq soraarnerussutisiaqarnissamut aqqissuussinermik pilersitsissussinnaavaa, tak. § 8.

Soraarnerussutisiaqarnissamut aqqissuussinermut pinngitsoorani ilaanissaq pillugu Inatsisartut inatsisaat nr. 21, 28. november 2016-meersumi § 8-ip malitsigivaa, Naalakkersuisut piginnaatinnerqarput soraarnerussutisiaqarnissamut aqqissuussinernik akileraaruseriffiup § 7, imm. 5 naapertorlugu pilersitaanik isumaginninnissaq pillugu, soraarnerussutisiaqarnissamut aningaasaateqarfimmut, sillimmasiisarnermik ingerlatsineq pillugu inatsimmi pineqartumut, imaluunniit inuunermut soraarnerussutisiaqarnissamulluunniit sillimmasiisarfimmut, sillimmasiisarfimmik imaluunniit aningaaserivimmik ingerlatsinissamut Finanstilsynimit akuersissumik peqartumut Kalaallit Nunaanni angerlarsimaffeqartumut imaluunniit aalajangersimasumik ingerlatsiveqartumut aamma Finanstilsynimit akuersissummik peqarluni sillimmasiisarnermik ingerlatsisumut isumaqatigiissuteqarnissamut.

Finanstilsynet-ip 14. december 2018-imi aalajangiisoqarneratigut aalajangerpaa, aningaasalersuineramik ingerlataqarneq pillugu inatsimmi § 304-mut akerliussasoq, soraarnerussutisiaqarnissamut aqqis-suussinermut pinngitsoorani ilaanissaq pillugu Inatsisartut inatsisaanni nr. 21, 28. november 2016-meersumi taaneqartutut, soraarnerussutisiassanut aningaasaateqarfiit soraarnerussutisiaqarnissamut aqqissuussineq ingerlatissappassuk.

## 2. Aningaasalersuineramik ingerlataqarneq pillugu inatsimmi § 304 a-p atuutilernissaanut peqqussutissatut missingiut

Kalaallit Nunaata naalackersuisui 3. juni 2019 allakkatigut Danmarkip Naalackersuisuinut noqqaasuteqarput, siunnersuummik piareesaaqullugit Kalaallit Nunaanni aningaasalersuineramik ingerlataqarneq pillugu inatsimmi § 304 atuutilernissaanut peqqussutip allanngortinneqarnissaanut, siunertaralugu soraarnerussutisiassanut aningaasaateqarfiit, Kalaallit Nunaanni angerlarsimaffeqartut, soraarnerussutisiaqarnissamut aaqqissuussinermut pinngitsoornatik ilaasussat, allaffissornikkut ingerlatsisinnaanissaat.

Naalackersuisut kissaataat naammassiumallugu peqqussutissatut missingiummi siunnersuutigineqarpoq peqqussutip allanngortinneqarnissaa.

§ 304 a-p ilanngunneqarnissaa siunniunneqarpoq, taamaalillutik soraarnerussutisiassanut aningaasaateqarfiit Kalaallit Nunaanni najugaqartut imaluunniit ingerlataqartut Inatsisartut Inatsisaat nr. 21, 28. november 2016-meersoq naapertorlugu soraarnerussutisiaqarnissamut aaqqissuussinermi pinngitsoorani ilaanissamut tunngatillugu allaffissornikkut ingerlatsisinnaanngoqqullugit.

Aalajangersakkap malitsigissavaa, soraarnerussutisiassanut aningaasaateqarfiit amerlanerusut Kalaallit Nunaanni najugaqartut ingerlataqartulluunniit ingerlatsisinnaanissaat, kisiannili tamanna annertunerulersitsineq taamaallaat allaffissornermut tunngassuteqarpoq, Kalaallit Nunaanni soraarnerussutisiaqarnissamut aaqqissuussinermut pinngitsoorani ilaanissaq eqqarsaatigalugu.

Malittarisassanik allannguneq, Kalaallit Nunaanni ikitsuinnarnik soraarnerussutisiassanut aningaasaateqarfeqarneranik tunngaveqarpoq. Pineqarporli allannguneq iluaqutaasusaaq, soraarnerussutisiaqarnissamut aaqqissuussinermut pinngitsoorani ilaanissamut taamaallaat atuuttusaaq, aammalu soraarnerussutisiassanut aningaasaateqarfinniit ilaasortanik amerlisaanissamut atorneqartariaqanngitsoq. Aalajangersagaq taamaallaat siunnersuutigineqarpoq peqqussummi ilanngunneqassasoq, taamaalilluni atorneqarsinnaanani soraarnerussutisiassanut aningaasaateqarfinnut Danmarkimi najugaqartunut imaluunniit aalajangersimasumik ingerlataqartunut.

### 3. Atuutilerfissaa il. il.

Aningaasalersuineramik ingerlataqarneq pillugu inatsimmi § 304 a-p atuutilernissaanut peqqussutissatut missingiummut attuumassuteqarput, aningaasalersuineramik ingerlataqarneq pillugu inatsisip allanngortinneqarnissaanik inatsisip, kapitalinik niuerneq pillugu inatsisip, ingerlatitseqatigiiffiit pillugit inatsisip, aningaasalersuineramik peqatigiiffiit il. il. pillugit inatsisip aammalu inatsisit assigiinngitsut allanngortinneqarnissaanut siunnersuutinut Danmarkip naalackersuisuisa november 2019-mi saqqummiussassaannut. Inatsisissatut siunnersuummi § 18-ip imarissavaa, Aningaasalersuineramik ingerlataqarneq pillugu inatsimmi § 304 a-p atuutilernissaanut peqqussutissatut missingiummik eqqussinissaq, taamatuttaaq kunngip peqqussutaatigut § 340 a-p Kalaallit Nunaannut atuutilernissaanut tunngaviliinissaq.

Naatsorsuutigineqarpoq Inatsisissatut siunnersuut pineqartoq atuutilissasoq 1. januar 2020, taassumalu kinguinngua, aningaasalersuineramik ingerlataqarneq pillugu inatsimmi § 304 a-p atuutilernissaanut peqqussutip atuutilernissaa. Taamaalilluni kunngip peqqussutaatigut atuutilertussatut missinngiut ilanngussa, kingusinnerpaamik 1. februar 2020 atuutilissaaq.